

Al vëgn lascé alsavèi che l'Aministraziun dl Comun da San Martin de Tor á l'intenziun da tó sò por le proscim isté 2024 nr. 1 studènt/ta por n practicum formatif y de orientamènt pro i ofizi y/o pro le magazin de comun.
Les domandes mëss gní presentades al ofize protocol dl Comun de San Martin de Tor cina en jöbia ai 18 d'aurí 2024 dales 12.00.
Por informaziuns plü avisa pón damané do tl ofize dl personal (tel. 0474/524378) tratan l'orar d'ofize o ciaré sòn la plata internet dl comun
www.comun.sanmartindetor.bz.it

PLOANIES SAN MARTIN Y LUNGIARÜ

La Mëssa dla Sabeda Santa gnará tignida tla Ciasa de Palsa dales **15.00** y nia dales 15.30 sciöche zënza.

SAN MARTIN

La Uniun dles ères da San Martin vënn en Pasca do mëssa röses sot al tema "Na rösa por la vita - daidè por daidè" por l'Assoziaziun Südtiroler Krebsilfe. Dilan de osta spënorá!

LUNGIARÜ

I orun ince ti dè la poscibilitè ai scolar da se confessé: en lönesc, ai 25 de merz, dales 16.30 cun don Yuriy.

La uniun dles ères organisèia na formaziun de ginastica posturala "LNB Motion" cun Marisa Clara tla palestra da Lungiarü vigni mercui dai 3 d'aurí dales 18.30 - 19.30 por indöt 8 iadi - cost 85€ por porsona - prenotaziuns al 340 27 56 166.

Döt le bun a chi che complësc i agn d'aurí

a San Martin

Paul Sorà che nen complësc 82 ai 15 d'aurí
Sepl Frenes che nen complësc 85 ai 22
Sepl Unterweger che nen complësc 95 ai 24
Albert Costabiei che nen complësc 80 ai 26
Anna Penazzi Ferdigg che nen complësc 86 ai 28

a Lungiarü

Dorina Demattia Clara che nen complësc 80 ai 16
Maria Dapoz-Clara che nen complësc 83 ai 14
Amalia Rives Mischì che nen complësc 90 ai 23



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

24.03. - 31.03.24 n. 17

ultimo termo por comunicaziuns: jöbia, dales 20.00

Domënia dal Orí - ann B

Vangele do san Jan 12,12-16

Te chël tēmp â la meja, che ê rovada adalerch por la festa de Pasca, aldì che Gejò dô gnì a Ierusalem.

Dailò ài tut rames de palmes, ti é jüs adincuntra y scraiâ: Osanna!

Benedì sides chël che vëgn tl inom dl Signur, le re de Ìsrael!

Gejù â ciafè n müsc jonni y s'â sentè lassura

– sciöch'al sta tla Scritöra:

No te temèi, Fia de Sionn!

Ćiara, al vëgn to re;

al é sentè sòn n polerin de n müsc.

Döt chësc ne capî sù discepui

nia por le momènt;

mo canche Gejù ê glorifiché,

dailò s'âi intenü, ch'al stò scrit

de d'èl insciö tla Scritöra

y ch'an â fat insciö impara.



Gejù vá cuntra Ierusalem ince sc'al ne sá nia avisa ci ch'al ti aspeta.

I vangeli cunta püch de Ierusalem.

Al é le zënter dla fede, mo ince dla política,

le post dl tēmpl mo ince dles ambiziuns di potènc.

Sigü capî Gejù che la situaziun s'aspizá pro,

ch'al n'è nia bëgnodü y ch'an oró l'avèi demez, ince cun la forza.

Ciodí âl pa impó afronté chësta situaziun?

Ince sc'al ti gnò tl pröm momènt iubilé incuntra

messâl impó se temèi ch'ai ti fajess n prozes y le condanass.

Gejù á afronté dotes les realtés dla vita y ne s'á trat ignó sottora.

I ó porvé da jí chësc tru cuntra Ierusalem - tan inant ch'i sun buna - cun Gejù, plëna de amiraziun y de reconescënza por le tru che Chël Bel Dî é jü.

Christine Rod MC

EDEMA - B	SAN MARTIN	LUNGIARÜ
17.03.24 5^a Domènia de Carsëma	10.00 Benedisciu dl Orí y ingres Gran Mëssa por la comunité por fam. Tone y Elsa Gasser + + Maria y Franz Chizzali + + Richard y Lena Prada	8.15 Benedisciu dl Orí y ingres Gran Mëssa por la comunité dl ann + Heinrich Frenademetz dl ann + Sabina Dejaco vis y def. de Mazchel dl ann + Angela Costa
25.03.24 <i>Corona, Ernst</i> Lönesc dl'Edema Santa		16.30 Confesciu dl scolars cun don Yuriy
26.03.24 Dedolönesc dl'Edema Santa <i>Larissa, Lara, Tecla</i>	8.00 Mëssa + Pia Trebo, Tor, dl ann + Franz Planatscher, Sorega + Pio Baldissera	
27.03.24 Mercui dl'Edema Santa <i>Sciander, Augusta</i>	18.00 Les Staziuns	7.00 Confesciuns 7.30 Mëssa + Sepl Clara, Sanví dedô Confesciuns
28.03.24 JÖBIA SANTA <i>Guntram, Johanna</i>	18.00 Missa in coena Domini (<i>siur Klaus</i>) lavanda di pîsc mituns dla 1 ^a Comuniun + Emilia Vantsch Laner, dl ann dedô Adoraziun dl'ora santa	18.00 Missa in coena Domini (<i>don Yuriy</i>) lavanda di pîsc dl ann + Roslinda Deiacó + Marino Clara dedô Adoraziun dl'ora santa
29.03.24 VËNDRES SANC <i>Helmut, Wilhelm</i>	17.00 Pasciu y adoraziun dla Crusc <i>Oferta Misereor</i> (<i>pater Franz</i>)	8.00 Ora d'adoraziun 9.00-9.30 Adoraziun por i scolars 15.00 Pasciu y adoraziun dla Crusc <i>Oferta Misereor</i> (<i>siur Klaus</i>)
30.03.24 SABEDA SANTA <i>Dodo, Roswita</i>	8.00 Ora d'adoraziun 9.00 Adoraziun por scolars y scolares 18.00 Festa dla Nöt de Pasca (<i>don Yuriy</i>) Liturgia Löm, impormt. Bato, Eucaristia	8.00 Ora d'adoraziun 9.00-9.30 Adoraziun por i mituns 20.00 Festa dla Nöt de Pasca (<i>pater Franz</i>) Liturgia Löm, impormt. Bato, Eucaristia ++ dles families de Nazio y Loise + + Iaco Mischi y Regina Daporta
<i>ora da d'isté</i> 31.03.24 DOMËNIA DE PASCA	10.00 Mëssa solëna dla comunité y benedisciu dl signé (<i>siur Klaus</i>) 18.00 Öspi de Pasca	8.15 Mëssa solëna de Pasca (<i>don Yuriy</i>) y benedisciu dl signé 14.30 Öspi de Pasca (<i>don Yuriy</i>)


Jöbia Santa

I capësci Pire
che n'ó nia se
lascé lavé i pîsc.
Magari se dodel.
Stlet fossel,
sc'i n'azetass nia
chësc sorvisc
deach'i n'oress gnanca iö instëss le fá,
deache chësc ejëmpl de Gejú me foss
demassa.



Vëndres Sanc

"Mi Dî, mi Dî, ciodí m'aste pa arbandoné?"
Al é ri da crëie
te n Dî che é,
mo che nes lascia susc.
Gejú ne ciafa söla
crusc degöna respösta,
al la ciafa pormó
do trëi dis, canche Idí
le chërda da d'ël.
Chësc n'alisirëia nia
la mort, mo nes dá la speranza
che Idí ne scuta nia por dagnora.



Sabeda Santa

La ressureziun
müda le pëis dla mort
tla lisirëza dla vita
pro Idí.
Olach'al regnä scurité
lomina sëgn la löm.

